



UNIVERSITÄTS-  
BIBLIOTHEK  
PADERBORN

**Phosphorvs sive Ioannes Baptista nativitas, vita, mors**

**Cabilliau, Baudouin**

**Lovany, 1642**

Cenotaphivm. Vatum Primo & Postremo, nusquam & vbiq[ue] sepulto. P.  
M. S.

---

[urn:nbn:de:hbz:466:1-70001](https://nbn-resolving.de/urn:nbn:de:hbz:466:1-70001)

23. Fons, hoc est, vel Baptismus, cuius, quoad potuit, amorem pœnitentibus effudit Ioannes.

Vel Lymphae. Et puræ conscientia perspicuus nitor; unde gaudij perennitas. Ut enim semper fonti suus adfluit liquor: sic et probo suum perennat gaudium, esto res circa eum mutantur. Plutarchus.

24. Draconis caput. Plerique censent primum peccatum ante nativitatem ab Adamo transfusum: quo exstincto ante partum ( ut in Sancto Joanne, ) non est, quod multum noceat; de quo dixeris, quod de Mithridate iam victo Florus: Obtrito capite serpentem caudam minari. Sed non nisi minari.

Porro biceps draco, ob peccatum, quod a parentibus agnascitur; et a nobis patratur.

Item biceps, quia in eo culpa, et pœna, sine mors.

27. Multispecus. Concauata aptare regnendi vocibus.

28. Væ. Ioannes identidem intonat: Agite pœnitentiam. Ut eius exemplo S. Nicon omni concionis initio increpabat.

## CENOTAPHIVM.

Vatum Primo et Postremo,  
nusquam et ubique sepulto.

P. M. S.

Hic IACET; NON IACET, Ille  
Cœlestis Homo, & terrestris Angelus.

K

In

**In quo;**  
Vt ne quidem vacuum gloriâ sit nomen,  
Dei **G R A T I A** relucet.

**Q V I,**

E Sterili iam pridem Arbore  
Maturus publico cum gaudio Fructus;  
Infantiæ impedimenta nesciens,  
Priùs cœpit omnibus membris, quam ore loqui.

**C V I**

Par pænè cum Christo puero ætas;  
Non item par cum eo viro gloria.

Spes priscis vatibus prima,  
Vel certè primæ proxima;  
Ultimus verò vates:

Vtriusque Legis fibula;  
Inde finem, hinc initium, pari circulo, innectens.

**P H O S P H O R V S ,**

In quo Legis Antiquę umbra & nox  
In nouam lucem & diem inclarescit.

**V O X**

In deserto breui tempore clamans,  
Æterno VERBO præuia.

**L V C E R N A   L V C E N S ,**

Quæ toto cœlo aberrantes rectā in viā reducat:

**A R D E N S ,**

Vt frigida corda, & quidem ad aquas, accendat  
Probi:

Probis

Prælustre, sanctimoniam exemplo, fidus;

Improbis,

Verbi acrimoniâ, terror & fulmen.

Illi cœlum, specus; melagreste, cœleste nectar;

Hispidum sagum, purpura fuit.

Denique

Vt innocens Agnus,

Nocentissimâ lupâ postulante,

Imperante Rege incestuoso,

Castitati victima cecidit:

E cuius vulnera,

Nescias, plus gloriæ, an sanguinis  
defluxerit.

## N O T. A.

Ioannes anno 33. ut vult Baronius: vel, ut  
melius Salianus, 32. etatis suæ capite minor de-  
creuit, sub cruento Herodis Antipæ gladio; in Ma-  
cherunte, castro regio. Cuius caput ut (a) Herodias  
crinali acu laciniarat, & in ferali illo incesta sæ-  
uitiæ ferculo, omnibus diuexarat contumelias; ne id  
suo truncu (b) iungeretur, arcanum in locum abiecit.  
& tenebris obruit. Corpus autem S. Ioannis discipuli  
Samaria extræ ditionem Antipæ sepelierunt: ne illud  
foret, obscena lupæ, anfuriæ? iniurijs obnoxium.  
Verum nec sic quidem id ab contumeliam periculo se-  
curum. (a) Hieronym. cont. Ruff. epist. 27.  
(b) Niceph. I. c. 20.

Kij

Siquidem

Siquidem sacras eius reliquias, uti & Helizeti Propheta, impij Samaritani & Ethnici, utriusque Indeis infesti, sub impi Juliano exussere, & cineres viatim in ventos, & agros sparsere. Theod. 3.c.3.

Tamen Christiani vel quedam membra, vel cineres subduxere rogo, hostium & furori. Ruff. 2.c.28. certe etiam postmodum praclaris amborum sepulcra ibidem fulsere miraculis. Hieron. ep. 27.

Item & delati cineres in sinum S. Athanasij, qui predixit eos Alexandria fore summo in loco, & honore collocandos. Vaticinio euentus respondit aliquanto post: euerso enim Serapæo, confilio Theophili, & Theodosij imperio, cœpit in ædificari Serapæi solo templum S. Ioanni sacrum; quo Arcadius, Theodosij filius, eius reliquias intulit.

Ad caput quod attinet; nullius Sancti quod sciam, pluribus locis ostenditur. Quà de re differit sigillatim Robertus le Vasseur Parisiensis Theologus, & Ambianensis Canonicus.

Caput id repertū in Costai vico, apud Chalcedonē; quod Theodosius iussit transferri in templū Bysantinum S. Ioanni dicatum Anno 391. Sozonem. 7. c. 22. Sed quia à Macedonia accepit, is multa falsa miscet. Prosper Chron.

Postea & id inuentum in agro Emeseno, in monasterio Spelai, è Macheruntidis ruderibus erutum. In templū deinde S. Ioannū Emesam translatum Anno 761. unde duplex translatio à Gracis & Latinis celebratur vid. no. Martyr. 29. Aug.

Anno

Anno 1025. Guilielmus Aquitaniae Dux potentissimus ab Italia redux, Angeliaci in iugurio saxeo monasterij Angeliacensis caput item reperit. Fragment. histor. Aquitan.

Pars capituli à Constantino Copronymo Sanctorum hoste missa Pipino.

Ostenditur autem pene totum Romæ in templo Sancti Silvestri; excepto mento.

Augustæ Pratoria in Subalpinis, & Lugduni, Ambiani facies exceptio mento, ab ore ad usque partem frontis.

Anno 956. Ioannis manus translatæ Antiochiam: quem inuocant gignendis & maturandis fructibus.

Anno 1101. Cineres è Palestina transmissi Genuam: duplii officio coluntur.

Aldelwaldus Rex Longobardorum Medeaci S. Ioanni Baptista templum exstruxit magnificentissimum. Paulus Ciac. 4. c. 15.

Grimoaldo Regi Vir sanctus in solitudine ominabatur, res Longobardorum fore florentissimas, quamdiu Sancti Ioannis cultus floreret; eius vero neglectu interiurias. Paul. Diacon. 6. c. 3.

### ARA D. IOANNIS.

Age, quisquis hanc Aram spectas,  
Sta, & votum fige;

Perenne pietatis monumentum

Non auro, vel gemmis splendidum;  
Sed, quæ omni auro, & gemmis longè

Diuis gratior,

Publicâ, & piâ memoriâ consecratum

K iiij

IOANNI

## I O A N N I

Sibi minimo, alijs maximo.  
 Hic est illa lucerna inmensæ luci prænuncia,  
     Et Stella suo Soli prævia.  
 Hic magnus maximo Regi nuncius,  
     Eiusque Sponsæ pronubus.

## I N Q V O

Non adumbrata in speciem virtutis imago;  
 Sed ipsissima expressa eluxit sanctimonia:  
     Ante ætatem matura,  
     Supra naturam perpetua,  
     Ultra mortales eximia;  
 Infra vnu Deum, & magnam Virginē maxima:  
     Is vixdum trimus, & quidem solus,  
     Sine matre in specu puer,  
     Iam tūm cœpit esse  
 Tot olim in solitudine agentium parens.  
     In eo fecit auctoritas,  
     Ut ab Iudæis Messias poenè crederetur.  
 Verūm è tam augusti nominis amplitudine,  
     Sese intra angustos humanæ vocis fines  
     continuit.  
 Hic vir, hic est,  
 Qui salutis Fonti hactenus ignoto  
     Primus digitum intendit;  
     Et, vt inueniretur, dux fuit.  
     Imò  
     ( quod mirere )  
 Ipsum omnium fontium uberrimum Fontem  
     Beatis

Beatis Iordanis aquis  
imbuit.

Cœlitibus propior, quam mortalibus  
Homines in beluinos mores degenerantes,  
In deserto ad baptisimi sui aquas,

Ceu feras, admisit;  
Ceu Angelos terrestres, cœlo suo reddidit.

Sed vti solem vmbra;  
Sic & virtutis exiinium splendorem  
Plerumque inuida fors,  
Et mors iniqua sequitur.

Occidit ergò,  
Cruenta Herodiadi victima,

## IOANNES.

Occidit? Fallor.  
Rebus humanis iam sublimior,  
Ac diuinis propior.  
Etiamnum sibi superstes,  
Hac in Arâ,  
Non minus virtute, quam gloriâ  
Omnibus prælucet;  
Et, vt voueo,  
Æternum  
prælucebit.

K iij

ANA-